

Zeitschrift: Clubnachrichten / Schweizer Alpen-Club Sektion Bern

Herausgeber: Schweizer Alpen-Club Sektion Bern

Band: 61 (1983)

Heft: 7-8

Rubrik: JO-Magazin

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 18.01.2025

ETH-Bibliothek Zürich, E-Periodica, <https://www.e-periodica.ch>

Niederhornhütte

Die Niederhornhütte ist an den Wochenenden vom 20./21. und 27./28. August 1983 vollständig belegt.



JO-Magazin

Skitourenwoche durch die Blume

Liebe JOler, liebe SACler, liebe SAC-Frauen, liebe Senioren und liebe Veteranen!

Wir möchten Euch erzählen, wie es uns fast so erging, wie dem Blumenstrauß in der Beiz... Dem geschah nämlich folgendes: bei schönstem Wetter und Pulverschnee marschierte er in die Rotondohütte. Trotz Schutzfaktor 10 hatte er heiss. Zwei Stengel schräubelten sich, aber Gitarrestengel sang sie weiter. Als es später um die Wurst ging, bemerkte Gitarrestengel, dass er keine hatte. Nach theoretischem Sonnenaufgang entnahmen einige umnebelte Stengel Bodenproben. Der Führerstengel spürte nach Nadel und Nase in Richtung Pianseccohütte. Weitere Bodenproben fielen positiv aus. Das Erstellen einer Notvase wurde parallel zum Barryvox-Chorus geübt. Die erschlafften Blumenstengel erlaubten sich dann an Schraubenstengels Curry-Sauce. Unterhaltungs- und ähnliche Stengel feierten bis 22 Uhr Hochkonjunktur. Da kam der grosse Führerstengel und stopfte sie in die Vase. Anderntags wurde das nördliche Unkraut ausgebremst. Nach einem patriotischen Buschfunk wandte sich der auf die Blüten beschnierte Blumenstrauß in Richtung Corno/Grieshütte.

Grossführergitarrenstengel beschloss folgendentags nach Binn umzutopfen; das mit toller Hilfe zweier Stengelführerprofistengel. Die Kollegen Wind und Schnee setzten dem Blumenstrauß arg zu. Dank den Stengelführerprofistengeln gelangte der durch die Kollegen verblasene ganze Stengelstrauß (beachte: nicht Blumenstrauß) nach Binn. Dem ausgedörrten Strauss konnte nicht einmal mehr Regenwasser helfen! Tat-

sächlich: der Regen kam und der Strauss ging!

Blumenstrausses Wochenpanorama: Grüsse vom nun wieder gut gedüngten Blumenstrauß an unsere lieben JO-Kollegen, lieben SACler, lieben SAC-Frauen, lieben Senioren und lieben Veteranen.

Gitarrenstengels Telefon verteilt gerne Auskünfte und Expressbriefe: 031/56 3392 (noch expresser 031/53 51 33). Fan-Post an: Blumenstrauß, Clublokal JO Bern. H.B.

Lawinenkurs Seehorn

22./23. Jänner 1983

Leiter: Walter, Röfe, Kurt, Märku
Teilnehmer: über 30 Stück!

Am Samschtig nach em Mittag gseht me e Uhuufe JOler im Bahnhof z'Bärn. Di ganzi Horde, samt Wauti mit Hund, fahrt Richtig Zwüscheflüe. Bim Ufstig i d'Rindere biude sech einzelni Gruppeli: die einte näme dr direkt Wäg u di angere dä übere Aabebärg. Bim Riis mit Zuetate si mer aui wider vereint. D'Hütte hets schier verjagt vo dr Mängi JOler, u wüus viu unbekannti Gsichter gä het, hei mer is enang vorgsteut. Nadisna het jedes es warms Näschtli (z. B. im Höi) gsuecht u zfride pfuset, bis dr Kurt di fünf seehörnigschte us em Bett ghout het.

Ja, u die si öppe am haubi achi gäge ds Seehorn zottlet. Zersch isch es über Bruchharsch nidsi i Mäniggrund gange. Dert hei mer üsi Fäli agschnauet u si mit JOlertämpo zu de Alphüttli ufe. Das het natürlich Hunger ggä u für däm entgägezwürke hei mer üs i di warmi Sunne gsetzt. Öppe nach eme haube Stündli hei mer üs, zu nöie Tate gschterkt, wider erhobe. Nadisna het sech üses Grüppli vo 3 Leiter u 3 Teilnehmer chli afa ufsplittere. Serig wo z'Gfüeu gha hei, si heige no zviu Chraft (wi z. B. dr Ürsu) hei dr grad Wäg uf e Gipfu gno. Nach emne Pütsch al Piz hei mer is dobe gmüetlech igrichtet u di herrlechi Ussicht gnosse. Dr Märku u d'Marcelle hei iri Flötli füregno u afa schpile («u das aues us em Chopf», wi dr Kurt gmeint het). Zum Abefahre hei mer schöne Pulver gha (obe hets zwar mängisch fasch e chli wöue funke). Unde, churz vor de Hüttli, si d'Fäli schnäu wider uf de Schi gsi. Üs hets no absolut nid gluschtet, abe z'ga, u drum si mer wider obsi gloffe (d'Susle mues schliesslech e rächtli Itrittstuur ha). Chli underhalb vom Stand, obemne schöne Hängli, hei mer es Schnee-

profil grabe u no e Rutschkeil gmacht. Nachdäm dä ersch isch cho, won i druf ume ghopset bi, het dr Kurt Grüenliecht ggä. Dummerwis isch aber, wo mer zu üsne Schi zum Stand ufe si, e anderi Gruppe dür üse schön Hang gfahre, u mir hei nüm chönne di erschte Spüürli lege. Es isch aber glich no schön gsi, u gli druf si mer scho wieder uf dr' Schtrass gstande, won is dr Kurt siner akrobatische Künscht vorgfüert het. Es isch nid lang ggange, u mir hei aui Züün überquert gha u ds Zwüscheflüe uf ds Poschi gwartet.

Alli die, wo gärt e chli lenger gschlafe oder sech für e Lawinekurs entschiede hei, si am Morge no chli blibe ligge. Am Zähni isch du dr hingerscht Schlarpis de Fädere ggraagget u het sech für e Abmarsch parat gmacht. Bi schönschtem Sunneschin si mer Richtig Turne gloffe. Ungerwärts si wi wiud Schneeprofil uspudlet u vo de Kenner interpretiert worde. Imene Schattehang hei mir o üses Glück mit eme Rutschkeil probiert, doch het dr Schnee z'fescht zämegha. Nach emne zfridene Zmittag uf em Turne isch es talwärts ggange – doch haut! – da schtosse mir plötzlech uf bekannti Gsichter. Es heisst, e Lawine sig abe ggange u heig e Schifahrer und e Rucksack verschüttet. So si dr Wauti u si Hund zum ne Isatz cho. Scho nach wenige Minute het dr Hund aggäh. Dr Pole het äntliche us sim Biwak chönne usegraagge. Nachdäm jede vo de Kursteinhämmer emau mit em Barrivox und dr Sondierschtange ghantiert gha het – dr Rucksack und ds vergrabnige Barrivox hei eifach nid wöue fürecho – hei mir no dr Räschte vo dr Abfahrt unger d'Schi gno. Nach ere tüechtige Erfrüschig ir Beiz si mir uf ds Poschtouto. Dertsimr o uf die Seehörnige gshtosse u zäme heiwarts gfahre.

Ruth und Ursi


Rindere – Rindere – Rindere – Rindere

1.–4. April 1983

D'Oschterture si zersch im Grimselbiet vor ggeh gsi. Aber wills dert so lawinegfährlech gsi isch, hei mir die vier Tage ir Rindere verbracht. Am Frytigmittag symer üsere zäh ds Bärn ufe Zug. Wo mir ds Zwüscheflüeh aacho si, hett me wyt u breit ke Schnee ggeh. D'Schi hei mir halt ufe Buggel gnöh u hei se vinechly wyt dr Hoger uf treit. Öppe uf 1400 Meter hei mir d'Schi ändlech chönne aalege. Ir Rindere obe hei üs d'Rita u dr Brünu ir warme Stube empfange. Mir heis üs do gmüetlech

gmacht. Gäge Aabe hets afah näble u schneie. Nachem Znacht hei mir no gjasset u hei gli welle go lige. Aber wo Mäxu, François u ig uf die obere Näschter klätteret si, kippe d'Läde samt de Matratze uf die undere. Zum Glück hets keni Verletzte gäh. Mir hei gmögget u glachet.

Am Morge hets Neuschnee gha, u no immer stockdicke Näbel isch blibe hocke. Mir hei no nid möge ufstah u hei mit ere Chüssischlacht agfange. Gäge Mittag hets do afah schneie. Ds Wätter hett üs aber nid chönne beiflusse. Nam Mittag simer uf d'Schi u ufe Pfaffe. Am ache fahre hei mir e schöne Pulverschnee gnosse. Vor em Znacht si no Rüedu, Resu, Käru u si Brüetsch mit der Frou i d'Rindere cho. Wo mir gmüetleh am Polante ässe gsi si, hei die füf andere es Fondue gmacht. Chuum hei sis ufe Tisch gestellt, hett ds Für afah blödtue. D'Flamme isch immer grösser worde u Sprit isch usem Rechaud ufe Tisch u Bode grunne u hett afah brönne. Dir hättest sölle ggeh, wi dr Käru mit der Lawineschufle ds Für hett welle lösche u desume gstampfet isch. Schliesslech hett är ds Rechaud packt u isch



**Dieses Zeichen steht
für Sicherheit**



**Schweizerischer
Bankverein**

3001 Bern, Bärenplatz 8

mit ihm i d'Kuchi. Gnosse hei si ds Fondue nachhär glich no. Nachem Znacht hett dr Waldvogel Pesche öppis über sini zwe neu gründete Clüb, AAC u SASK, afah lire. I chanech nüt drüber verzelle. Müsst nech bi ihm erkundige. Nachhär hett me no Glägeheit gha, i Bäreclub ufgnoh zwärde. Mi hett allerdings e Tescht müesse bestah. Nach däm hei mir Füfliberchlopfe gspielt. Das isch es ganz tolls Spiel.

Am Sunntigmorge hetts no immer Näbel gha, u über d'Nacht hetts wieder Schnee häre gheit. A däm Tag symer no es paar Mal ufe Pfaffe u Aabebärg. Nam Mittag si do acht Pärsonen hei gange. Gäge Aabe hei mir no ds'Chlättergarterpiel gspielt. Die erschte drei hei mit em Waldvogel zum Hajo übere chönne es Glesli Wii go suufe. Am Aabe hei mir no gjasset, gsunge u ds Schoggispiel gmacht.

Am Mäntigmorge hei mir ds schönschte Wätter gha. Mir si grad us de Näschter ggumpet u uf d'Schi gstange. D'Schneeverhältnis si no guet gsi. Nachhär hei mir i dr Hütte uufrumt u üsi Sache zäme packt. Am Mittag simer so ufe Turne u vo dert us gäge heizue,

Oskar

Ersatztour für ds Allalinhorn

30. April/1. Mai 1983

Öppe am halbi zwöi si mer mit em Zug nid i ds Wallis, sondern gäge d'Länk zuegfahre. Optimistisch, wie me ir JO isch, het jede seiner Charte uf e Föhn gsetzt. Ir Länk hei mer üs natürlech no müesse stärke, dass mer de wie dr Wind i d'Wildhornhütte chöme. Es isch du scho halbi füfi gsi, wo mer vor Iffigealp loszottlet si. Fasch alli si beschtens i d'Hütte cho (zwar nid wie dr Wind, derfür gäge Wind). Ussert dr Hene, är het meh a sire Bindig gflickt als öppis anders. Dr Hüttewart het üs ds Riis u ds Hackfleisch irsinnig guet brodlet, u ds Pflötschli isch ou mit Begeischterig gfrämslet worde. U scho gli si mer under d'Wuldedechine kroche. Anstatt am sächsi het üs dr Hüttewart ersch am halbi achtig gweckt, u we me usegluegt het, isch das gar nid verwunderlich gsi. Wüll mer glich no fräschli Luft hei wölle schnappe, hei mer üs nach em Zmorge sturmsicher verpackt u si loszoge. (Fragej ja nid, wie die Gägend bim Wildhorn u Umgäbig usgseht!) Mit dr Zyt hei mer vo dere Milchsuppe gnue gha u hei dr

Rückwäg under d'Schi gno. Nach emene Zwüschehalt ir Hütte isch es du talabwärts – zersch i d'Schneeflocke u nachhär i Räge – gange. Uf dr Iffigealp hets ds Bösli e herrlech nassi Gsellchaft i Empfang gno u isch mit ne i d'Länk abe düset.

Dorothe

Jubiläum

Wär weiss-äs no nid? Üsi JO wird hür 60jährig! Us däm Grund het's mi dünkt, wär's fein, äs Signet z'entwärfe, wo aus Ufdruck ä Pullover oder ou äs T-Shirt chönnt verschönere. So hei sich mi Brüetsch u ig a ds Zeichne und wieder Usgumele gmacht, mir hei Ideene gsuecht u wieder verworfe. Vieu het druf söue uf das Signet: öppis im Zämehang mit äm Schiitüürele, nämlech d'Rindere, ds Sportchlättere und natürlech ou ds Hochgebirge. So hei mir probiert, au das, wo mir ir JO ungernäh ds Jahr düre, zäme-z-bringe. Was isch use cho, gseht so us:



u di Meischte hei sicher scho gseh, wie dä Druck de äbe uf äm-n-ä Pulli usgseht. Äs wird itz langsam Zyt, dass mir derhinger gö, di Pulline z'drucke. Aus grosse Hitcha da-derbi jedes säuber mithäufe. Drucke due mir am 19. Ouguscht im Clublokau. Wär so-nä JO-Pulloverwott, muess a däm Frytig de foudenges mitbringe:

- ä Pulli oder äs T-Shirt mit müglechscht fiine Masche und häuer Grundfarb, wo guet gwäsche und glettet isch. Ds Wäsche isch ou nötig bi ganz näie Sache!
- ä dicki Zytig,
- ä Füfliber aus Unchoschtebiitrag.

I hoffe, dass denn rächt viel chöme u dass-äs äluschtige Aabe git.

Markus